




საშურის მოახბე



№23 (305)

26 ივლისი, ორშაბათი,

2021 წელი

კედი ღეგნანი: - ვამაყობთ, რომ მხარს ვუჭერთ ხაშურის მუნიციპალიტეტის სოფლებიდან ენთუზიაზმით აღსავსე ინგლისური ენის ახად მასწავლებლებს

ჩვენი მკითხველისთვის ცნობილია, რომ გასულ კვირას, ხაშურს სტუმრობდა ამერიკის შეერთებული შტატების ელჩი საქართველოში კელი ღეგნანი, რომელმაც ცენტრალურ ბიბლიოთეკაში ამერიკული კუთხე მოინახულა და, პარალელურად, ინგლისური ენის პედაგოგებს შეხვდა.



– ვამაყობთ, რომ მხარს ვუჭერთ ხაშურის მუნიციპალიტეტის სოფლებიდან ენთუზიაზმით აღსავსე ინგლისური ენის ახად მასწავლებლებს, რომლებიც ამ ზაფხულს აუმჯობესებენ თავიანთ პროფესიულ კვალიფიკაციას. ხაშურის ამერიკული კუთხე, საქართველოს მასშტაბით ამერიკული სტილის ცხრა საზოგადოებრივი ცენტრიდან ერთ-ერთი, ამ მასწავლებლებთან თანამშრომლობს მათი კვალიფიკაციის ასამაღლებლად, რათა მათმა მოსწავლეებმა ხარისხიანი განათლება მიიღონ. ელჩი ღეგნანი ხაშურის ამერიკულ კუთხეში ამ მასწავლებლებს შეხ-

ვდა და წარმატებული ტრენინგების ჩატარება მიულოცა. მომავალ წელს ამ მასწავლებლების საქმიანობა თავიანთ კლასებში ზეგავლენას მოახდენს მათი



მოსწავლეების სამომავლო კარიერაზე და დაეხმარება საქართველოს მომავლის განსაზღვრას.

ხაშურის მუნიციპალიტეტის გენდერული თანასწორობის საბჭოს წევრები საქართველოს სახალხო დამცველის წარმომადგენლებს შეხვდნენ



შეხვედრაზე საქართველოს სახალხო დამცველის აპარატის აღმოსავლეთ საქართველოს სამმართველოს უფროსის მოვალეობის შემსრულებელმა გიორგი ტალახაძემ, სახალხო დამცველის რეგიონულმა წარმომადგენელმა ანა ჯანიაშვილმა და სახალხო დამცველის რეგიონულმა წარმომადგენელმა გენდერის საკითხებში თამარ ცხორევაძემ ხაშურის მუნიციპალიტეტის გენდერული თანასწორობის საბჭოს წევრებს გააცნეს კვლევის „ქალები და მობილობა“ შედეგები და მიგნებები და რეკომენდაციები გაუზიარეს. შეხვედრაზე იმსჯელეს ქალთა მობილობის შემაფერხებელ და ხელშემწყობ ფაქტორებზე და განიხილეს თვითმმართველობის როლი ქალთა გაძლიერების ხელშეწყობის მიმართულებით.



ალოობა -2021 დაიწყო

ალოობა უმნიშვნელოვანესი მოვლენაა სოფლის მეურნეობაში დასაქმებულთათვის და მთელი ქვეყნისათვისაც, რადგან მარცვლეულის თუ პირუტყვის საკვების ჭარბი რაოდენობა ეკონომიკის აღმავლობასაც უწყობს ხელს და ამიტომაცაა ეს სეგმენტი ქვეყნის მთავრობის ყურადღების ქვეშ.

ალოობა-2021, საქართველოში, ივნისში დაიწყო და ძირითადად, კახეთის რეგიონი მოიცვა. გასაგები მიზეზის გამო, შიდა ქართის ზონა გვიან იწყებს ამ პროცესს. ჩვენს მუნიციპალიტეტში მარცვლეულის დაბინავება 17 ივლისს დაიწყო. როგორც სოფლის განვითარების სააგენტოს შიდა ქართლის რეგიონული სამსახურის ხაშურის საინფორმაციო-საკონსულტაციო ცენტრის მთავარმა სპეციალისტმა ჯემალ გელაშვილმა ჩვენთან საუბარში აღნიშნა, თავდაპირველად შერჩევითი აღება განხორციელდა, მასიურად კი ეს პროცესი 20 ივლისიდან დაიწყო. დღეისათვის, მუნიციპალიტეტის მასშტაბით, რვა ადგილობრივი და ოთხი შპს „მექანიზატორის“ მიერ გამოგზავნილი კომბაინი მუშაობს, დამატებით მათგან, ამ დღეებში, კიდევ 3 კომბაინს ელიან.

ამჟამად, ალოობა ფართო მასშტაბით მიმდინარეობს გომის, ალის, ხცისის, წრომის და ცხრაბუხის ზონებში (ბატონ ჯემალთან საუბარი 23 ივლისსა ჩაწერილი). ორ-სამ დღეში მათ რიცხვს ფლევი-ოსიაურის ზონაც დაემატება. მუნიციპალიტეტში, მთლიანად, მარცვლეული კულტურა 2950 ჰექტარამდეა დათესილი. აქედან - 1680 ჰექტარზე - ხორბალი, 570 ჰექტარზე - ქერი და 700 ჰექტარზე - შვრია. წინასწარი მონაცემებით, საშუალო მოსავლიანობა წელს ასეთი იქნება: ხორბალი - 2,5 ტონაზე მეტი (ცალკეულ მონაკვეთებზე მიღებულია 4-5 ტონა); ქერი - 2 ტონაზე მეტი და შვრია - 1,5 ტონაზე მეტი. აღსანიშნავია, რომ შვრიის 700 ჰექტარიანი ნათესიდან მარცვლად ნახევარს აიღებენ, დანარჩენს კი - ეწ.

„მწვანე მასას“ პირუტყვის საკვებად დააბინავენ.

ბოლო დღეების წვიმიანმა ამინდებმა ოდნავ შეაფერხა ალოობის პროცესი, თუმცა აგვისტოს პირველ დეკადაში მარცვლეულის აღება მაინც დასრულდება.

ალოობაში აქტიურად არიან ჩართულები გუბერნიის ხელმძღვანელობა, მუნიციპალიტეტის მერია, სოფლის რწმუნებულები, რაც, თავისთავად, იძლევა გარანტიას რომ ალოობა-2021 ჩვენს მუნიციპალიტეტში წარმატებით დასრულდება,- აღნიშნა საუბრის ბოლოს ბატონმა ჯემალმა.



ხაშურში, კოსტავას ქ №11-ში, იურიდიული დახმარების სამსახურის საკონსულტაციო ცენტრი გაიხსნა

საზეიმო ღონისძიებით, ხაშურის მუნიციპალიტეტის მერიის მოვალეობის შემსრულებელმა ზვიად ქურდაძემ და იურიდიული დახმარების სამსახურის დირექტორმა რაუდენ კუპრაშვილმა გაჭრეს.



ცენტრის წარმომადგენლების განმარტებით, საკონსულტაციო ცენტრში მომუშავე იურისტ-კონსულტანტი სამართლებრივ რჩევებს გასცემს სხვადასხვა საკითხებზე: სოციალურად დაუცველთა უფლებები, საბანკო ურთიერთობები, მიწის და უძრავი ქონების რეგისტრაცია, მემკვიდრეობა, შრომითი დავები, ქალთა მიმართ და ოჯახში ძალადობა, მხარდამჭერად დანიშნვის საკითხები და სხვა აქტუალური პრობლემები.



ცენტრის გახსნის შემდეგ, მუნიციპალიტეტის ადმინისტრაციულ შენობაში, იურიდიული სამსახურის დირექტორმა, ადგილობრივებს გააცნო იურიდიული დახმარების სამსახურის სერვისები და უფასო სამართლებრივი დახმარების მიღების კრიტერიუმები. მანვე აღნიშნა, რომ შესვენდრის მიზანი მოსახლეობის სამართლებრივი ცნობიერების ამაღლებაა.



ხაშურში, იურიდიული დახმარების სამსახურის საკონსულტაციო ცენტრის გახსნა, ხაშურის მუნიციპალიტეტის მერიის მხარდაჭერით განხორციელდა.

ხაშური არის ქალაქი, სადაც ასე სიყვარულით კითხულობენ „ვეფხისტყაოსანს“!

ხაშური არის ქალაქი, სადაც ასე სიყვარულით კითხულობენ „ვეფხისტყაოსანს“! ეს ფრაზა, ბაღდათის ცენტრალური ბიბლიოთეკის ხელმძღვანელმა, ბატონმა სოსო კოტორეიშვილმა სიხარულით წარმოთქვა!

ამ დღეებში, ხაშურის მთავარი ბიბლიოთეკის თეატრალური სტუდიის მოსწავლეებმა ქალაქ ბათუმის სამუხეუმო გაერთიანების მოწვევით, ბათუმის ილია ჭავჭავაძის სახელობის მუხეუმში წარმოადგინეს ლიტერატურული კომპოზიცია „ვეფხისტყაოსანს“. პედაგოგები-ქალბატონები ლალი პაპუაშვილი, ხათუნა ჩიტაძე და ნონა ტყეშაძე ახალგაზრდებმა წარმოადგინეს ფაქიზი და ამავე დროს სიღრმისეული ცოდნა ჩვენი საგანძურის.. დონისძიებას ესწრებოდნენ ბათუმის სამუხეუმო გაერთიანების დირექტორი, თეონა ზოიძე, დირექტორის მოადგილე, ინგა გოგობერიძე, ბაღდათის ხელოვნებისა და კულტურის განვითარების ცენტრის დირექტორი ვაკო კვინიხიძე და მისი მოადგილე სოსო კოტორეიშვილი და საზოგადოების წარმომადგენლები.



ხაშურში, რუსთაველის ქუჩაზე მდებარე მრავალსართულიან საცხოვრებელ სახლში, ლიფტების რეაბილიტაცია დასასრულს უახლოვდება



პროექტის ფარგლებში, შეიცვალა ლიფტის კაბინები, ელექტრო სისტემები, ძრავი, ბაგირები, გამოძახების ღილაკები.

პროექტის განსახორციელებლად, ადგილობრივი ბიუჯეტიდან 70 726 ლარი გამოიყო. ხოლო, თანამონაწილეობის პრინციპით, ამხანაგობების სახით, მოსახლეობამაც შეიტანა გარკვეული წვლილი.

აღნიშნულ კორპუსში, ლიფტების პრობლემა, ათწლეულების მანძილზე მოუგვარებელი იყო, რაც მოსახლეობის საყოფაცხოვრებო პირობებს ართულებდა. ამჯერად კი ხაშურის მუნიციპალიტეტის მერიის დაფინანსებით და ამხანაგობის თანამონაწილეობით, აღნიშნული კორპუსის სამივე სადარბაზოში, ლიფტების პრობლემა მოგვარდება.

ხაშურში, მრავალსართულიან კორპუსებში ლიფტების მოწესრიგება კვლავაც გაგრძელდება.



სოფელ რუსაანთუბანში, ბეტონის გზის მოწყობა დასრულებულია

ხაშურის მუნიციპალიტეტის მერიის, ინფრასტრუქტურის სამსახურის ხელმძღვანელის გიორგი პაპიაშვილის განმარტებით, ხაშურის მუნიციპალიტეტის, ქვიშეთის ადმინისტრაციულ ერთეულში შემაგად სოფელ რუსაანთუბანში, 1 120 გრძივი მეტრი გზის საფარი დაიგო. პროექტის ფარგლებში, მოეწყო სანიაღვრე არხები და დაიხაზა საგზაო ინფრასტრუქტურა.

სამუშაოებმა, რომელიც რეგიონებში განსახორციელებელი პროექტების ფონდის თანადაფინანსებით განხორციელდა, ჯამში, 818 384.00 ლარი შეადგინა.

(გაგრძელება. დასაწყისი იხ. „ბმ“ #21,22)

16. სარქის ოჯახის ოჯახი, კერძო, ჰყავს ვაჟი, გიგოლა და ქალიშვილი. ოჯახის ყველა წევრი ეთნიკურად სომეხია.

ეს სამსუღიანი ოჯახი ცხოვრობს სხვის სახლში, დღიურად მუშაობის ქირით იღებს სარჩოს.

17. მიკირტუმ ოჯახის ოჯახი, მისი ცოლი, ვაჟი არუთინი, ქალიშვილი. ეთნიკური სომეხები.

ამ ოთხსუღიანი ოჯახს აქვს სახლი, ხნავს ორდღიურ საბატონო მიწას, იღებს 30 კოდ პურს, ჰყავს რქოსანი პირუტყვი 4 სული, 1 ცხენი. ხვნა-თესვითა და სხვა სამუშაოებით იღებს სარჩოს.

18. გაბრიელ არუთინაშვილი, მისი ცოლი, ვაჟები: მირზა და დავითი, მასთან ერთ ოჯახად მისი ძმა დანიელი, მისი ცოლი, ვაჟი იოსები. ყველა ეთნიკური სომეხია.

ამ ცხრასუღიანი ოჯახს აქვს სახლი, ხნავს ორდღიურ საბატონო მიწას, იღებს 50 კოდ პურს, ჰყავს რქოსანი პირუტყვი, 4 სული, ხვნა-თესვითა და დალაქობით იღებს სარჩოს.

19. სააკა ავაქაშვილი, მისი ვაჟი არუთინი, დედა. ყველა ეთნიკურად სომეხი.

ამ სამსუღიანი ოჯახს აქვს სახლი, ხნავს ორდღიურ საბატონო მიწას, იღებს 25 კოდ პურს, ჰყავს რქოსანი პირუტყვი, 6 სული, 1 ცხენი. ხვნა-თესვითა და დალაქობით იღებს წლიურ სარჩოს.


20. სიმონ არუთინაშვილი, მისი ვაჟი არუთინი, ეთნიკური სომეხები.

ცხოვრობენ სხვის სახლში, ჰყავთ რქოსანი პირუტყვი 12 სული, თავს ირჩენენ საქონლის მწვემსობით.

21. გაბრიელ არუთინაშვილი, მისი ცოლი, დედა, ეთნიკურად სომეხები.

ამ სამსუღიანი ოჯახს აქვს სახლი, ხნავს ხუთდღიურ საბატონო მიწას, იღებს 50 კოდ პურს, ჰყავს რქოსანი პირუტყვი 2 სული, თავს ირჩენენ ხვნა-თესვითა და სხვა სამუშაოებით.

22. არუთინ ა(ო)კანაშვილი, მისი ცოლი, დედა. ეთნიკურად სომეხები. (ფანქრით მიწერილი აქვს- ყარაბახი, შეიძლება-ოსკანაშვილი -დ.ხ.)



ალის წიმიინდა გიორგის ეკლესია. XIX საუკუნის ფოტო

ამ სამსუღიანი ოჯახს აქვს სახლი, ხნავს ორდღიურ საბატონო მიწას, იღებს 20 კოდ პურს, ჰყავთ რქოსანი პირუტყვი 3 სული, 1 ცხენი, ხვნა-თესვითა და დალაქობით ირჩენენ თავს.

23. გაბო ოსეფაშვილი, მისი ცოლი, ვაჟი დავითი, ქალიშვილი. ეთნიკური სომეხები.

ამ ოთხსუღიანი ოჯახს აქვს სახლი. ხნავს ორდღიურ საბატონო მიწას, იღებს 23 კოდ პურს, ჰყავთ რქოსანი პირუტყვი 8 სული, 1 ცხენი. ხვნა-თესვითა და სხვა სამუშაოებით იღებენ სარჩოს.

24. პეპია გზირი, მისი ცოლი, ვაჟი როსტომი, ქალიშვილი. ყველა ეთნიკური სომეხი.

ამ ოთხსუღიანი ოჯახს აქვს სახლი, ხნავს ორდღიურ საბატონო მიწას, იღებს 20 კოდ პურს, ჰყავთ რქოსანი პირუტყვი 4 სული, ხვნა-თესვითა და სხვა სამუშაოებით იღებენ სარჩოს.

25. სტეფანე აკოფაშვილი, მასთან ერთ ოჯახში მისი ძმა არუთინი, მათი დედა. ყველა ეთნიკურად სომეხი.

ამ სამსუღიანი ოჯახს აქვს სახლი, ხნავს ორდღიურ საბატონო მიწას, იღებს 20 კოდ პურს, რქოსანი პირუტყვი 4 სული, ხვნა-თესვითა და სხვა სამუშაოებიდან იღებს სარჩოს.

26. მიკირტუმ ჩაჩან არუთინაშვილი, მასთან ერთ ოჯახში მისი ძმა პოლოსი, მათი დედა, ყველა ეთნიკურად სომეხი.

ამ სამსუღიანი ოჯახს აქვს სახლი, თავს ირჩენენ დალაქობით.

27. ზაქარია ოქონაშვილი, მასთან ერთ ოჯახში მისი ძმა არაქელი.

აქვთ სახლი, ქირით დღიური მუშაობიდან აქვთ შემოსავალი.

28. მნაცაკან აკოფაშვილი, მასთან ერთ ოჯახში მისი ძმა ვანი, მათი დედა. ყველა ეთნიკურად სომეხი. ამ ოჯახს დღიური სამუშაოების ქირით აქვთ შემოსავალი.

29. ოპანეს ავაქაშვილი (ფანქრით მინაწერი - თბილისი-დ.ხ.) დღიური სამუშაოების ქირით ირჩენენ თავს.

თავად შანშე ბეგთაბეგოვის გლეხები:

30. ოთარ ხარშილაძე, მისი ცოლი, მასთან ერთ ოჯახში მისი ძმები, შიო და გიორგი, მათი დედა.

ამ ხუთსუღიანი ოჯახს აქვს სახლი, ხნავს სამდღიურ საბატონო

მიწას, იღებს 30 კოდ პურს. ხვნა-თესვითა და სხვა სამუშაოებით იღებენ სარჩოს.

31. გიორგი ლამბარაშვილი, მისი ცოლი, ვაჟები: ბერო, ტატულა, დავითი, არუთინი. ეთნიკური სომეხები.

ამ ექვსსუღიანი ოჯახს აქვს სახლი, ხნავს ხუთდღიურ საბატონო მიწას, იღებს 50 კოდ პურს, ჰყავთ რქოსანი პირუტყვი, 4 სული. ხვნა-თესვისა და ტილოს ქსოვით აქვს შემოსავალი.

32. თავად ივანე დავითაშვილის(დავიდოვ) გლეხი, გიორგი ხუციშვილი, მისი ცოლი, ქალიშვილი, მასთან ერთ ოჯახში მისი ძმა თევდორე, მისი ცოლი.

ამ ხუთსუღიანი ოჯახს აქვს სახლი, ხნავს ერთდღიურ მიწას, იღებს 12 კოდ პურს, ჰყავთ რქოსანი პირუტყვი 5 სული, სხვადასხვა სამუშაოებიდან იღებენ სარჩოს.

33. თავად სოლომონ დავითაშვილის(დავიდოვ) გლეხი, გოგია ხუციშვილი, მისი ცოლი, ვაჟი, ივანე, ქალიშვილი, დედა.

ამ ხუთსუღიანი ოჯახს აქვს სახლი, ხნავს ორდღიურ საბატონო მიწას, იღებს 50 კოდ პურს, ჰყავს რქოსანი პირუტყვი 6 სული, 1 ცხენი, ხვნა-თესვითა და სხვა სამუშაოებით იღებენ სარჩოს.

34. თავად ივანე სულხანის ძე ბეგთაბეგოვის გლეხი, ფარემუზ ბეგაშვილი, მასთან ერთ ოჯახში მისი ძმები: ბერე და გოგია(ფანქრით-გ სურამ). ყველა ეთნიკურად სომეხი.

ამ სამსუღიანი ოჯახს აქვს სახლი, ხნავს 5დღიურ საბატონო მიწას, იღებს 50 კოდ პურს, ხვნა-თესვითა და სხვა სამუშაოებით იღებს სარჩოს.

1818 წლის კამერალური აღწერა და ხაშურის მუნიციპალიტეტი

შენიშვნა: 1. ეს სოფელი გაშენებულია მდინარე ჭერათხეულაზე. მიწა- ვარგისი 2500 დღიური, მწირი 1000 დღიური. სოფელშია 1 კომპი, ასევე ბეგთაბეგოვების, სხვა სავარგულეები არ არის. მცხოვრებთა ძირითადი საქმიანობაა მესაქონლეობა და ნაწილობრივ მემინდვრეობა.

2. ადრე ამ სოფელში მცხოვრებ გლეხთა მცირე ნაწილი იხდიდა სურსათს თავად ბეგთაბეგოვების გლეხების რიცხვში, ახლა კი გადახდა შეუძლიათ კოლეგიის მდივან თავად ივანე ბეგთაბეგოვის, გარდა 6 უქონელი კომლისა, 23 კომლს. ხორბალი 69 კოდი, ქერი 46 კოდი. შანშე ბეგთაბეგოვის 2 კომლს - ხორბალი 6 კოდი, ქერი 2 კოდი. თავად ივანე დავითაშვილის(დავიდოვის) 1 კომლს - 3კოდი ხორბალი, 2 კოდი ქერი, თავად სოლომონ დავიდოვის 1 კომლს ამდენივე, თავად ივანე სულხანის ძე ბეგთაბეგოვის ერთი კომლს ასევე.

სოფელ სომანეთში - კოლეგიის სეკრეტარის თავად ივანე სოლომონის ძე ბეგთაბეგოვის გლეხი

1. ბართლომე ჩ(ჭ)ირუაშვილი, მისი ცოლი, ვაჟი გიორგი. ამ სამსუღიანი ოჯახს აქვს სახლი, ხნავს ორდღიურ საბატონო მიწას, იღებს 20 კოდ პურს, ხვნა - თესვითა და საფეიქრო,(საქსოვი) სამუშაოებით იღებს სარჩოს.

თავად ივანე ბეგთაბეგოვის გლეხი

1. გლახა ქუთიშვილი, მისი ვაჟი საბა, მასთან ერთ ოჯახში მისი ძმა თამაზი(?), მისი ცოლი.

ამ ოთხსუღიანი ოჯახს აქვს სახლი, ხნავს ორდღიურ საბატონო მიწას, იღებს 60 კოდ პურს, რქოსანი პირუტყვი 6 სული, 1 ცხენი, ხვნა-თესვითა და სხვა სამუშაოებით აქვს სარჩო.

თავად ივანე სულხანის ძე ბეგთაბეგოვის გლეხი

1. გრიგოლ ხოშელაძე (ხარშილაძე)?, მისი ცოლი, ვაჟი იაკობი, გრიგოლის დედა. ამ ოთხსუღიანი ოჯახს აქვს სახლი, ხნავს 4დღიურ საბატონო მიწას, იღებს 50 კოდ პურს, რქოსანი პირუტყვი 5 სული, ხვნა-თესვითა და სხვა სამუშაოებით იღებს წლიურ სარჩოს.

ცხინვალის მცხოვრებ მელქუა ჩიტაშვილის გლეხი

1. ბერუა ლაზარიაშვილი, მისი ცოლი და ქალიშვილი. ეს სამსუღიანი ოჯახი ცხოვრობს სხვის სახლში, ხნავს ორდღიურ მიწას, იღებს 25 კოდ პურს, რქოსანი პირუტყვი 2 სული, ხვნა-თესვითა და სხვა სამუშაოებით აქვს სარჩო.



ჭვიშხეთი. XIX საუკუნის ფოტო

შენიშვნა. 1 ეს სოფელი გაშენებულია მდინარე ჭერათხეულას პირას, წყალი საკმარისია. სახნავი მიწებით და ყველა სავარგულეებით სარგებლობენ ვაყის მცხოვრებლებთან ერთად. მათი მთავარი საქმიანობა ხვნა-თესვა, მესაქონლეობა და სხვა სამუშაოებია.

2. უწინ ეს გლეხები არ იყვნენ დაბეგრელები არავითარი გამოსავლით. ახლა კი გადახდა შეუძლიათ კოლეგიის სეკრეტარ ივანე ბეგთაბეგოვის 1 კომლს-ხორბალი 3 კოდი, ქერი 2 კოდი, თავად შანშე ბეგთაბეგოვის 1 კომლს ამდენივე, თავად ივანე სულხანის ძე ბეგთაბეგოვის 1 კომლს ასევე. ცხინვალში მცხოვრებ მელქუა ჩიტაშვილის ერთ კომლს ამდენივე.

დალი ხაჩიძე

(გაგრძელება შემდეგ ნომერში)

- ახალგაზრდობა - იმედი ხვალის -

შაღვა დაბაძე: ან შეუშინდეთ დაბრკოლებებს და შედეგი უცდილობდად მოვა...

დღეს ჩვენს მკითხველს გვინდა გავაცნოთ სოციალური ინოვაციების იდეების კონკურსის გამარჯვებული შაღვა დაბაძე და მისი გუნდი, რომელმაც გადაწყვიტა, სკოლის მოსწავლეებს შესთავაზოს LEGO განათლების კურსები და ამგვარად გაზარდოს პროფესიული განათლებისა და STEM მიმართულებებისადმი ინტერესი. შაღვა დაბაძე დაიბადა ხაშურში, 1997 წელს. მე-3 საჯარო სკოლის დამთავრების შემდეგ, სწავლა გააგრძელა თბილისში, ტექნიკურ უნივერსიტეტში. პარალელურად, სწავლობდა პროფესიულ სასწავლებელში და საწარმოო ავტომატიზაციის

წილი როგორც უშუალოდ LEGO-ს საგანმანათლებლო კურსებზე, ისე შემდგომ პროფესიულ პროგრამებზე. პროექტი ხელს შეუწყობს პროფესიული განათლების კერძოდ კი ინჟინერიის მიმართულებით პროფესიული პროგრამების პოპულარიზაციას. სკოლის მოსწავლეებს შორის ინფორმირებულობის გაზრდა ხელს შეუწყობს გააზრებული გადაწყვეტილების მიღებას სკოლის დამთავრების შემდეგ სწავლასთან დაკავშირებით.



- სად გეგმავთ პროექტის განხორციელებას?

ამ ეტაპზე ვგეგმავთ პროექტის განხორციელებას თბილისში, ჩვენი პროფესიული სასწავლებლის ბაზაზე. შემდეგ ეტაპზე კი ვგეგმავთ რეგიონებშიც გადმოვიტანოთ პროექტის განხორციელება. ეს არის გრძელვადიანი 3-4 წლიანი პროექტი. პირველ ეტაპზე მოპოვებული თანხა 30 000 ლარი გაიხარჯება პროექტით გათვალისწინებული „ლეგო“ აღჭურვილობის შეძენაზე. ეს არის ასაწყობი სათამაშო, რომელსაც ბავშვი დააპროგრამებს და ნახავს თუ რა ფუნქციის ასრულებს ესა თუ ის მოწყობილობა. რისი საშუალებითაც გააკეთებს სხვადასხვა დიდი მოწყობილობების მუშაობის მოდელირებას. მოსამზადებელი ეტაპის გავლის შემდეგ, პროექტის განხორციელების დაწყებას ვგეგმავთ სექტემბრიდან.

- თუ გეგმავ ხაშურის მოსწავლე-ახალგაზრდობაც ჩართო პროექტის განხორციელებაში?

- დიახ, ნამდვილად იგეგმება პროექტის განხორციელების მეორე ეტაპზე.

- შაღვა, მოგვიყევით სხვა პროექტებში თქვენი გამოცდილების შესახებ...


- ასეთ მასშტაბურ პროექტში პირველად მივიღე მონაწილეობა და პირველივე ცდა წარმატებული აღმოჩნდა. მანამდე კი, ვმონაწილეობდი საუნივერსიტეტო კონფერენციაში, სადაც წარვადგინე ჩემს მიერ აწყობილი რობოტი „დამურა“, რომელიც არჭურვილი იყო ულტრაბგერითი სენსორით და დაბრკოლების შემთხვევაში ცვლიდა სამოძრაო მიმართულებას და ერიდებოდა დაბრკოლებას. ამ რობოტით ბაკალავრებში გავედი პირველ ადგილზე. ასევე მონაწილეობა მივიღე თურქეთში გამართულ „რობოტიკის“ კონკურსში.

- რა იქნება შენი გზავნილი მოსწავლე-ახალგაზრდობისათვის?

სოციალური ინოვაციების ცენტრი კვლავ აცხადებს კონკურსს და მათ ვურჩევდი, მიიღონ მონაწილეობა, რაც მათთვის იქნება შესაძლებლობა შეიძინონ მრავალფეროვანი გამოცდილება. გადალახონ დაბრკოლებები შედეგის მისაღწევად.

როგორც სოციალური ინოვაციების იდეების კონკურსის გამარჯვებული შაღვა დაბაძე ამბობს, განათლების კურსები განკუთვნილია სკოლის მოსწავლეებისათვის, რაც გაზრდის მათ დაინტერესებას პროფესიული განათლების და განსაკუთრებით STEM მიმართულებების მიმართ. - განათლების კურსები დაინერგება ტექნიკურ უნივერსიტეტის ტექნიკური გადამზადების საუნივერსიტეტო ცენტრის თანამედროვე აღჭურვილ შენობაში, ცენტრი, ასევე, ითანამშრომლებს დაინტერესებულ სკოლებთან და შეძლებს თავისი პრაქტიკის გავრცელებას.

თეა ახალკაცი



ტექნიკოსის პროფესია შესწავლა. არის IT სპეციალისტი.

თუ როგორ მივიდა STEM სივრცის შექმნის იდეამდე, ამას თავად გვიყვება პროექტის აღმასრულებელი დირექტორი შაღვა დაბაძე:

- სწავლის პროცესში მეძლეოდა საშუალება, ე.წ. დია გაკვეთილების დროს, ცენტრში მოსული ახალგაზრდებისათვის გამეცნო ჩვენი პროგრამა. ასევე, მიმიღია მონაწილეობა სხვადასხვა გამოფენებში, სადაც მიწვევა პროგრამის პოპულარიზაცია, მანქანა-დანადგარების გამოყენებით. მაქვს თურქეთში, რობოტიკის საერთაშორისო კონკურსში მონაწილეობის გამოცდილებაც, რამაც განსხვავებული ცონდა და ხელვა შემიძინა.

კონკურსის გამოცხადებისთანავე, ერთ-ერთმა ჩემმა მეგობარმა დამირეკა და მაცნობა სოციალური ინოვაციების იდეების კონკურსის შესახებ... გავაკეთეთ განაცხადი და შევიტანეთ. 183 აპლიკაციიდან გავვადით ოცეულში. იყო უიური და ყველა გამარჯვებულს გადასცემდნენ 30000 ლარს პროექტის განსახორციელებლად. ჩვენ პროექტი წარვადგინეთ განათლების სფეროში.


- შაღვა, ვინ არიან შენი გუნდის წევრები?

- ჩემი მეგობარი, შოთა გენგაშვილი. პროფესიული კუთხით დაგვეხმარებია და სასწავლო პროცესს კოორდინაციას გაუწევინ ჩვენი პროფესიული მასწავლებელი სალომე ონიანი და მოკლევადიანი პროგრამების მასწავლებელი ზურაბ ზედაშიძე. ამასთან ერთად, გუნდში გვყავს სტუდენტების ბიზნესტექნოლოგიების ფაკულტეტის სტუდენტები ლიზი ჩუბინიძე და მიხეილ ჭანტურია, რომლებიც გვეხმარებია ბიზნეს-გეგმის გაკეთებაში.

- რაც შეეხება იმას, თუ როგორ და რატომ მიხვედით ამ იდეამდე, რა არის თქვენი გუნდის მიზანი?..

ჩვენ გუნდს სურს, პოპულარიზაცია გაუკეთოს და დაინტერესება მოხდინოს პროფესიული განათლების მიმართ. STEM მიმართულება მნიშვნელოვანია სკოლის მოსწავლეებისათვის სხვადასხვა მიმართულებების წაროსაჩენად. ამავდროულად, ხელს შეუწყობს დამატებითი უნარების გამომუშავებას. ამ გამოცდილებამ შესაძლოა სხვებსაც უბიძგოს რაღაც ახალი იდეისკენ ან როგორც მასწავლებლები, შემოგვიერთდნენ სოციალურ საწარმოში.

შევეცდებით დავაინტერესოთ გოგონები, რათა ხელი შევუწყვოთ გარკვეული სტერეოტიპების მსხვრევას. მათ შორის, განსაკუთრებით საინტერესო იქნება, თუ როგორი იქნება გოგონების





განახლებული „ივერიის“ სტადიონი მთელი ხაშურის მშვენება გახდება

ხაშურის თოჯინების თეატრის კიდევ ერთი აღიარება



პირველი ადგილი და გრან-პრი „ხელოვნების საერთაშორისო ფესტივალ-კონკურსიდან“ - ასეთია შედეგი ხაშურის თოჯინების თეატრისა, რომელიც ამ ფესტივალზე ვლადიმერ ორლოვის პიესის - „ოქროს წიწილას“ მიხედვით განხორციელებული სპექტაკლით წარსდგა (რეჟისორი ლალი კახეთელიძე). როგორც თეატრის დირექტორმა გაა ბოლოკაძემ ჩვენთან საუბარში აღნიშნა, ფესტივალის საკმაოდ წარმომადგენლობითი იყო და მასში უკრაინის, ბელორუსიის, სომხეთის, აზერბაიჯანის, თურქეთის და საქართველოს თეატრალური დასები მონაწილეობდნენ.



ფესტივალის უკრაინული კომპანიის - „ჯემ-ფესტის“ და ქართული კომპანიების „მზიანი საქართველოს“ და „ნარი-ნჯისფერი ქობულეთის“ მიერ იყო ორგანიზებული. ჩვენი თეატრი უკვე მეთოთხმეტედ მონაწილეობს მსგავს ფესტივალში და, როგორც ფესტივალის ორგანიზატორებმა აღნიშნეს, იგი უკვე ერთგვარ მეტრად იქცა სხვა თეატრებისათვის, რომლებმაც სწორედ მასზე უნდა მოახდინონ სწორება. ფესტივალის ჟიურის თით-

ოეულმა წევრმა უმაღლესი შეფასება მისცა ხაშურლების სპექტაკლს და დამსახურებული პრიზიც ჩვენმა დასმა მიიღო.

ვულოცავთ მთელს კოლექტივს, დასის თითოეულ წევრს ამ აღიარებას და მომავალ შემოქმედებით წარმატებებს ვუსურვებთ. გვჯერა, ისინი კიდევ მრავალჯერ გაახრებენ თავისი ულამაზესი წარმოდგენებით ჩვენს პატარებს.



ა(ა)იპ ხაშურის მუნიციპალიტეტის გაზეთი „ხაშურის მოამბე“. დირექტორი და გაზეთის რედაქტორი გიორგი გოგალაძე. მისამართი: ხაშური, ტაბიძის ქუჩა №2. ტელეფონი: 24 30 27. E-mail Khashurismoambe2015@gmail.com მიმღების დასახელება: ხაზინის ერთიანი ანგარიში, საიდენტიფიკაციო კოდი 443860984, სახელმწიფო ხაზინა TRESGE22, სახაზინო კოდი: 749547499. D-ით მონიშნული სტატია იბეჭდება დაკვეთით გაზეთი იბეჭდება თბილისში.